

# MONTY PYTHON

Pišu:



Reciklaža Bojsi

“Zašto da pišemo o Monty Python-ima, kad svi znaju ko su oni?” Bili smo gotovo odustali od naše namjere da oplemenimo ovaj fantastično-edukativni mladi časopis za mlade ovim tekstom o Pajtonovcima kad smo sasvim slučajno i neočekivano saznali zastrašujuću, poražavajuću činjenicu da ljudi ipak i nisu toliko upoznati sa “pretečama nadrealista”. I tako kad smo gotovo u šali spomenuli našem uredniku da bi mogli da pišemo o njima, on nas je blijedo pogledao i upitao “Ko su oni?”. I to mi je neki glavni i odgovorni urednik. Na mladima svijet ostaje?! Šta je sa tradicijom? Biserima prošlosti?! Ali dosta se\*\*mo za jedan običan uvod, pa dalje možete da ukratko saznate ko su to Monty Pyton-ovci a ponajviše ima da se pozabavimo njihovim prvcem i najboljim filmom a to je “Monty Python and the Quest for the Holy Grail”

Džon Kliz (John Cleese), Erik Ajdl (Eric Idle), Grejem Čepmen (Graham Chapman), Teri Džons (Terry Jones), Majkl Pelin (Michael Palin) i Teri Gilijam (Terry Gilliam) su (bili) članovi jedinog letećeg cirkusa na svijetu, cirkusa Monty Python-a. Svojim specifičnim, provokativnim humorom “nakupili” su sebi milione obožavaoca širom svijeta a i kod nas (sad bi neko rekao “Pa zar smo mi na Marsu?” pa...šta ja znam gdje smo, stalno se na tv-u spominje da hoćemo u svijet). Mada ima i onih koji su njihov humor smatrali previše provokativnim i besmislenim što je donekle i razumljivo jer su oni radili i stvarali u odnosu na danas jednom dosta konzervativnijem vremenu (‘60-‘70-‘80te, mada to za konzervativnije vrijeme je relativno:). Snimili su nekoliko dugometražnih filmova najpoznatiji su već pomenuti “Potraga za sv. Gralom”, “Smisao života Monti Pajtona”, “Brajanovo žitje” (e da, taj ste gledali) a najpoznatiji su po serijalu “Monty Python’s Flying Circus”, što je nešto kao naša “Top lista Nadrealista”, dakle u nekih pola sata svake epizode smješteni su beskrajno duhoviti skečevi.



A sada ono zbog čega smo i počeli ovaj tekst ali nismo mogli odmah da predemo na ovaj dio, bez da vas upoznamo (ako spadate u grupu u koju spada i naš glavni i odgovorni urednik:) sa nekim osnovnim podacima o njima.